



**REPUBLIKA E SHQIPËRISË**  
**KOMISIONI I PROKURIMIT PUBLIK**

Nr. 2026/15 prot.

Datë 06.10.2025

**V E N D I M**  
**Nr. 1386/2025**

Komisioni i Prokurimit Publik, i përbërë nga:

|                  |            |
|------------------|------------|
| Fiorent Zguro    | Nënkryetar |
| Kreshnik Ternova | Anëtar     |
| Anila Malaj      | Anëtar     |

Në mbledhjen e datës 06.10.2025, shqyrtoi ankesën me:

**Objekt:**

Shfuqizimi i vendimit të Komisionit të Vlerësimit të Ofertave mbi skualifikimin e ofertës të paraqitur nga operatori ekonomik “JUNIK” SHPK në procedurën e prokurimit “E hapur” me nr. REF-51594-06-18-2025, me objekt: “*Rikonstruksion i godinës Qëndrore Spitali Pogradec*”, me fond limit 292,017,842.53 (dyqind e nëntëdhjetë e dy milion e shtatëmbëdhjetë mijë e tetëqind e dyzet e dy pikë pesëdhjetë e tre) lekë (pa tvsh), zhvilluar me datë 04.07.2025 nga autoriteti kontraktor, Operatori i Blerjeve të Përqëndruara.

**Ankimues:**

Operatori ekonomik “JUNIK” SHPK me NIPT J68007522L dhe adresë Lagjia SMT, Ndërtesë 2-katëshe, kati 2, pranë Drejtorisë Shërbimit Pyjor Lezhë.

**Autoriteti Kontraktor:**

Operatori i Blerjeve të Përqëndruara me adresë Rruga “Reshit Çollaku”, Godina nr. 6/337, Tiranë (në krah të Gjykatës së Lartë).

**Baza Ligjore:**

Ligji nr. 162/2020 “Për Prokurimin Publik”, i ndryshuar, Vendimi i Këshillit të Ministrave nr. 285, datë 19.05.2021 “Për miratimin e rregullave të prokurimit publik”, i ndryshuar, Vendimi i Komisionit të Prokurimit Publik Nr. 766/2021, datë 13.10.2021 “Për miratimin e rregullave “Për Organizimin dhe Funksionimin e Komisionit të Prokurimit Publik”, Neni 4 i Vendimit të Komisionit të Prokurimit Publik nr. 500/2020 datë 5.11.2020 “Rregullore për Marrjen e Masave Organizative për Ushtrimin e Veprimtarisë së Institucionit të Komisionit të Prokurimit Publik gjatë gjendjes së pandemisë së shkaktuar nga COVID -19”.

Komisioni i Prokurimit Publik, pasi dëgjoi relatorin e çështjes, shqyrtoi parashtrimet me shkrim e pretendimet e ankimuesit, dhe pasi diskutoi çështjen në tërësi,

**V ë r e n:****I***Vlerësimi paraprak*

I 1. Vlera limit e përlllogaritur për procedurën e prokurimit objekt - ankimi është mbi kufirin e ulët monetar, ndaj shqyrtimi dhe vendimmarrja do të bëhet nga të gjithë anëtarët, në përputhje me pikën 1, të nenit 30 të ligjit nr. 162/2020 “Për Prokurimin Publik” i ndryshuar.

I.2. Operatori ekonomik ka *prima facie* interes në këtë procedurë prokurimi dhe për këtë arsye legjitimohet për të paraqitur ankesë në lidhje me të.

I.3. Operatori ekonomik ankimues ka paraqitur ankesë pranë autoritetit kontraktor dhe njëherazi pranë Komisionit të Prokurimit Publik, në përputhje me kërkesat e përcaktuara në ligjin nr. 162/2020 “Për Prokurimin Publik” i ndryshuar.

I.4. Ankimuesi ka respektuar afatet ligjore të paraqitjes së ankesës pranë autoritetit kontraktor dhe Komisionit të Prokurimit Publik.

**II***Rrethanat e çështjes*

II.1. Në datën 19.06.2025, në Sistemin e Prokurimeve Elektronike është publikuar procedura e prokurimit “E hapur” me nr. REF-51594-06-18-2025, me objekt: “Rikonstruktion i godinës Qëndrore Spitali Pogradec”, me fond limit 292,017,842.53 (dyqind e nëntëdhjetë e dy milion

*e shtatëmbëdhjetë mijë e tetëqind e dyzet e dy pikë pesëdhjetë e tre) lekë (pa tvsh), zhvilluar me datë 04.07.2025 nga autoriteti kontraktor, Operatori i Blerjeve të Përqëndruara.*

II.2. Në datën 04.07.2025, autoriteti kontraktor zhvilloi procedurën e prokurimit objekt-ankimi.

II.3. Në datën 17.07.2025, autoriteti kontraktor ka njoftuar operatorët ekonomikë pjesëmarrës me anë të sistemit të prokurimeve elektronike (S.P.E.), mbi rezultatet e vlerësimit të Komisionit të Vlerësimit të Ofertave, të cilët kanë paraqitur ofertat ekonomike (pa TVSH), përkatësisht:

1. OE “JUNIK” shpk 253,877,548.19 I skualifikuar
2. OE “INA ” shpk 215,234,410 I skualifikuar
3. BOE “LLAZO” shpk & “VIANTE Konstruksion” sh.p.k 281,960,814.19 I skualifikuar
4. OE “LIS KONSTRUKSION ” shpk 286,183,459.85 I skualifikuar
5. BOE “ERGI ” sh.p.k & BE - IS SH.P.K 270.495.914 I skualifikuar
6. BOE “AGI KONS” sh.p.k & “C O L O M B O” sh.p.k 270,047,350.81 lekë pa TVSH; me 245.40 pikë
7. BOE “ALKO IMPEX CONSTRUCTION” sh.p.k & “APIS CONSTRUCTION ” sh.p.k & “KEVIN KONSTRUKSION” sh.p.k 229,721,533.60 lekë pa TVSH; me 289.20 pikë
8. OE “ED KONSTRUKSION ” shpk 270,116,992.23 lekë pa TVSH; me 235.80 pikë
9. OE “AGRI CONSTRUCTION ” shpk 274,536,599.6 I skualifikuar

II.4. Në datën 23.07.2025, është publikuar në SPE njoftimi i fituesit paraprak për procedurën e prokurimit objekt – ankimi, publikuar në Buletinin e Njoftimeve Publike nr. 39, datë 28.07.2025, ku është shpallur fitues BOE “ALKO IMPEX CONSTRUCTION” sh.p.k & “APIS CONSTRUCTION ” sh.p.k & “KEVIN KONSTRUKSION” sh.p.k.

II.5. Në datën 28.07.2025 nëpërmjet Sistemit të Ankesave Elektronike pranë autoritetit kontraktor dhe njëherazi pranë Komisionit të Prokurimit Publik, është administruar ankesa me numër ankimi elektronik A/2025/5614 dhe me nr. 2026/2025 prot., datë 29.07.2025 e operatorit ekonomik “JUNIK” SHPK, në procedurën e prokurimit të sipërcituar. Nga shqyrtimi paraprak i ankesës të sipërcituar, u konstatua se objekti i ankesës lidhet me skualifikimin e ofertës së paraqitur nga operatori ekonomik “JUNIK” SHPK, nga procedura e prokurimit të sipërcituar.

II.6. Bazuar në nenin 112 pika 3 të ligjit 162/2020 “Për prokurimin Publik”, i ndryshuar, Komisioni i Prokurimit Publik ka publikuar në bazën e të dhënave të tij, të dhëna për: a) ankimuesin, adresën dhe NUIS-in; b) të dhëna të plota për procedurën e prokurimit (objekt, numër reference, fond limit, datën e zhvillimit të procedurës), si dhe formularin për publikim Nr. 2026/1 prot., datë 30.07.2025, lidhur me arsyet e skualifikimit të ankimuesit.

II.7. Me datë 30.07.2025, është protokolluar formular ankese me nr. 2026/2 prot., datë 30.07.2025, me të njëjtat pretendime si në formularin e ankesës online me nr. ankimi elektronik A/2025/5614 dhe me nr. 2026/2025 prot., datë 29.07.2025.

II.8. Me shkresën përcjellëse me nr. 560 prot., datë 30.07.2025, protokolluar me tonën me nr. 2026/3 prot., datë 30.07.2025, operatori ekonomik ankimues “JUNIK” SHPK, ka dërguar mandat-pagesën e detajuar.

II.9. Me datë 01.08.2025 protokolluar me tonën me nr. 2026/4 prot., datë 01.08.2025, OE “Kevin Konstruktion” SHPK ka paraqitur në sistemin e ankesave elektronike formularin e argumentave, në cilësinë e subjektit të interesuar në kuptim të nenit 113 të ligjit 162/2020 “Për prokurimin Publik” i ndryshuar.

II.10. Me shkresën përcjellëse me nr. 1737/9 prot., datë 07.08.2025, protokolluar me tonën me nr. 2026/5 prot., datë 08.08.2025, autoriteti kontraktor, ka dërguar me shërbim postar, vendimin e Komisionit të Shqyrtimit të Ankesave (me nr. 1737/8 prot., datë 10.09.2025, Vendimi KSHA 76/2025), duke e refuzuar atë.

II.11. Me shkresën përcjellëse me nr. 1737/9 prot., datë 07.08.2025, protokolluar me tonën me nr. 2026/6 prot., datë 08.08.2025, autoriteti kontraktor, ka dërguar përsëri me shërbim postar, vendimin e Komisionit të Shqyrtimit të Ankesave (me nr. 1737/8 prot., datë 10.09.2025, Vendimi KSHA 76/2025), duke e refuzuar atë.

II.12. Me shkresën nr. 2026/7 prot., datë 01.10.2025, Komisioni i Prokurimit Publik, iu drejtua Drejtorisë së Përgjithshme të Akreditimit, për ti kërkuar informacion për certifikimin e subjektit AQSCert shpk.

II.13. Me shkresën me nr. 2026/8 prot., datë 01.10.2025, Komisioni i Prokurimit Publik iu drejtua palëve në procesin administrativ, që për shkaqe të nevojshme për verifikim, nuk është e mundur dalja me një vendim përfundimtar brenda afatit të parashikuar në LPP.

II.14. Me shkresën me nr. 432/1 prot., datë 02.10.2025, protokolluar me tonën me nr. 2026/9 prot., datë 03.10.2025, Drejtoria e Përgjithshme e Akreditimit, ka kthyer përgjigje duke sqaruar se: “Në përgjigje të shkresës tuaj me nr. 2026/7 prot., datë 01.10.2025, pasi u njohëm me problemin tuaj, ju bëjmë me dije se, subjekti AQSCert shpk me Nipt L31511026K, nuk është i akredituar nga Drejtoria e Përgjithshme e Akreditimit sipas standardit EN ISO 3834-2:2021.

II.15. Me shkresën me nr. 2694/3 prot., datë 02.10.2025, protokolluar me tonën me nr. 2026/10 prot., datë 06.10.2025, autoriteti kontraktor ka paraqitur kërkesë për marrje vendimi përfundimtar.

II.16. Me shkresën me datë 03.10.2025, protokolluar me tonën me nr. 2026/11 prot., datë 06.10.2025, operatori ekonomik “Kevin Konstrksion” shpk ka paraqitur një kërkesë për informacion mbi vonesën në marrjen e vendimit përfundimtar.

II.17. Nga verifikimi i dokumentacionit të administruar në dosjen e shqyrtimit administrativ, si dhe bazuar në informacionin e autoritetit kontraktor, u konstatua, se ka pasur pretendime nga subjekte të tjera të interesuara, në përputhje me nenin 113 ligji Nr. 162/2020 “Për Prokurimin Publik”, i ndryshuar.

### III

#### Komisioni i Prokurimit Publik

pas shqyrtimit të ankesës, dokumentacionit bashkëngjitur saj, si dhe informacionit të autoritetit kontraktor dhe verifikimeve të kryera,

#### Arsyeton:

III.1. Lidhur me pretendimet e OE ankimes “JUNIK” shpk mbi skualifikimin e tij nga procedura e prokurimit me arsyen se: *“Operatori ekonomik nuk plotëson pikën 2.3.10 të kriterëve të veçanta për kualifikim të përcaktuar në DT për disponimin e Certifikatës SSH/DIN/EN/UNI ISO 3834-2:2021, e përditësuar, e vlefshme/ ose ekuivalent (Sistemi i Menaxhimit të Cilësisë në Saldim e vlefshme ose ekuivalent). Certifikata të jetë lëshuar nga një organ i vlerësimit të konformitetit, i akredituar nga organizmi kombëtar i akreditimit ose organizma ndërkombëtarë akreditues, të njohur nga Republika e Shqipërisë. Nga verifikimi i dokumentacionit të ngarkuar në SPE rezulton se ofertuesi ka paraqitur Certifikatën SSH EN ISO 3834- 2:2021, me nr. AQS/QS/147182025, të lëshuara nga subjekti “A...” sh.p.k, i cili nuk rezulton të jetë i akredituar Drejtoria e Përgjithshme e Akreditimit (<https://dpa.gov.al/organe-te-akredituara/>) ose nga organizma ndërkombëtarë akreditues ku DPA bën pjesë, EA (European Accreditation) e cila funksionon sipas Rregullores së Komisionit Europian nr. 765/2008 dhe në të cilën bejnë pjesë të gjitha organizmat ndërkombëtarë të certifikimit të njohura nga Republika e Shqipërisë, për të lëshuar certifikën e mesiperme”* KPP vëren se,

III.1.1. Në shtojcën 7/2 “Kriteret e veçanta të kualifikimit” pika 2.3.11 “Kapaciteti teknik” të dokumenteve të procedurës së prokurimit të modifikuara objekt-ankimi përcaktohet kriteri si më poshtë:

**“2.3.11 Operatori ekonomik duhet të paraqesë certifikatat si më poshtë:**

- a) *Certifikatën e cilësisë së punimeve SSH/DIN/EN/UNI ISO 9001-2015 e përditësuar, e vlefshme/ose/ekuivalent. Certifikata të jetë lëshuar nga një organ i vlerësimit të konformitetit, i akredituar nga organizmi kombëtar i akreditimit ose organizma ndërkombëtarë akreditues, të njohur nga Republika e Shqipërisë.*

- b) *Certifikatën për Sistemin e menaxhimit të mjedisit SSH/DIN/EN/UNI ISO 14001-2015 e përditësuar, e vlefshme /ose/ ekuivalent. Certifikata te jetë lëshuar nga një organ i vlerësimit të konformitetit, i akredituar nga organizmi kombëtar i akreditimit ose organizma ndërkombëtarë akreditues, të njohur nga Republika e Shqipërisë.*
- c) *Certifikatën SSH/DIN/EN/UNI ISO 45001:2018 e përditësuar, SSH/DIN/EN/UNI ISO 45001 – 2023) e vlefshme/ ose ekuivalent (Mbi Sistemet e menaxhimit të shendetit dhe sigurisë të punëtorëve në punë ose ekuivalent). Certifikata te jetë lëshuar nga një organ i vlerësimit të konformitetit, i akredituar nga organizmi kombëtar i akreditimit ose organizma ndërkombëtarë akreditues, të njohur nga Republika e Shqipërisë.*
- d) *Certifikatën SSH/DIN/EN/UNI ISO 50001-2018, e përditësuar, e vlefshme/ ose ekuivalent (Sistemi i Menaxhimit të Energjisë e vlefshme ose ekuivalent). Certifikata te jetë lëshuar nga një organ i vlerësimit të konformitetit, i akredituar nga organizmi kombëtar i akreditimit ose organizma ndërkombëtarë akreditues, të njohur nga Republika e Shqipërisë.*
- e) *Certifikatën SSH/DIN/EN/UNI ISO 3834-2:2021, e përditësuar, e vlefshme/ ose ekuivalent (Sistemi i Menaxhimit të Cilesise ne Saldim e vlefshme ose ekuivalent). Certifikata te jetë lëshuar nga një organ i vlerësimit të konformitetit, i akredituar nga organizmi kombëtar i akreditimit ose organizma ndërkombëtarë akreditues, të njohur nga Republika e Shqipërisë.*

*Në rastet e Bashkimit të Operatorëve ekonomik, Operatori ekonomik do te paraqese ISO-t në baze te zerave te punimeve qe ka marre persiper te realizoje.*

*Pranohet dhe paraqitja e standardeve shqiptare SSH/DIN/EN/UNI/ISO mbi konformitetin e standardeve europiane dhe të lëshuara nga organizma të vlerësimit të konformitetit të akredituara në Republikën e Shqipërisë”.*

III.1.2. Nga verifikimet në sistemin e prokurimeve elektronike rezulton, se operatori ekonomik “JUNIK” SHPK, në përmbushje të kriterit sa më sipër, ka dorëzuar:

1. Çertifikatë UNI EN ISO 3834-2:2021 lëshuar nga AQSCERT me nr. të certifikatës AQS/QS/147182025 për subjektin “Konstruksione metalike dhe punime me saldime për: Projektimi dhe ndërtimi i veprave civile, industriale dhe infrastrukturore (rrugë, ujësjellësa dhe kanalizime....etj). Projektimi, ndërtimi dhe mirëmbajtja e veprave elektrike për shpërndarjen dhe transmetimin e energjisë në tension të ulët/mesëm/lartë, instalim dhe mirëmbajtje e impianteve dhe sistemeve për përdorim dhe shpërndarje të gazrave mjekësore. Krijimi dhe mirëmbajtja e hapësirave të gjelbëruara publike dhe private. Prodhimi, tregtimi dhe montimi i mobiljeve dhe pajisjeve për: zyra, qendra shëndetësore, qendra të riedukimit (ambjent të fjetjes së paraburgimit dhe burgimit)...etj. Grumbullimi, transporti dhe pastrimi i sipërfaqeve dhe mbetjeve urbane. Shërbime skelerie duke përfshirë montimin”, lëshuar në datën 27.06.2025 dhe me skadencë në datën 26.06.2028;

2. Dukemen në gjuhë të huaj, të përkthyer dhe noterizuar me nr, rep xxx, datë xxxxx, “Dokument mbi kualifikimin e procedurës së saldimit”, sipas standardid EN ISO 15614-1:2017, niveli 2.

III.1.3. Në nenin 2 “Qëllimi i ligjit” 162/2021 “Për prokurimin publik” parashikohet se: *“Qëllim i këtij ligji është: a) të rrisë efikasitetin dhe efikasitetin në procedurat e prokurimit publik; b) të sigurojë mirëpërdorim të fondeve publike dhe të ulë shpenzimet procedurale; c) të nxisë pjesëmarrjen e operatorëve ekonomikë në procedurat e prokurimit publik; ç) të nxisë konkurrencën ndërmjet operatorëve ekonomikë; d) të sigurojë një trajtim të barabartë dhe jodiskriminues për të gjithë operatorët ekonomikë, pjesëmarrës në procedurat e prokurimit publik; dh) të sigurojë integritet, besim publik dhe transparencë në procedurat e prokurimit publik.*

III.1.4. Në nenin 3 Parime të përgjithshme: *“1. Autoritetet dhe entet kontraktore garantojnë trajtim të barabartë dhe jodiskriminues për operatorët ekonomikë, si dhe veprojnë me transparencë e në mënyrë proporcionale. 2. Autoritetet dhe entet kontraktore nuk duhet të shmangin fushën e zbatimit të këtij ligji ose të ngushtojnë në mënyrë artificiale konkurrencën. Konkurrenca konsiderohet se është ngushtuar artificialisht kur prokurimi përgatitet me qëllimin për të favorizuar ose dëmtuar në mënyrë të padrejtë operatorë ekonomikë të caktuar. 3. Autoritetet dhe entet kontraktore janë të detyruara të zbatojnë detyrimet e përcaktuara në legjislacionin mjedisor, social e të punës dhe në dispozitat e marrëveshjeve dhe konventat ndërkombëtare, të ratifikuara në përputhje me Kushtetutën.*

III.1.5. Në nenin 77 të ligjit Nr. 162/2020 “Për Prokurimin Publik”, të ndryshuar, parashikohet shprehimisht se: *“1. Autoritetet ose entet kontraktore përcaktojnë kërkesat për kualifikim për operatorët ekonomikë bazuar në: a) përshtatshmërinë për të kryer veprimtarinë profesionale; b) gjendjen ekonomike dhe financiare; c) aftësinë teknike dhe profesionale. Kërkesat kufizohen vetëm në ato që janë të përshtatshme për të garantuar që një kandidat ose ofertues të ketë kapacitetet juridike, financiare dhe aftësitë teknike e profesionale për të zbatuar kontratën që do të jepet. Të gjitha kërkesat duhet të kenë lidhje dhe të jenë proporcionale me objektin e kontratës. 2. Për sa i përket përshtatshmërisë për të kryer një veprimtari profesionale, autoritetet ose entet kontraktore mund të kërkojnë që operatorët ekonomikë të regjistrohen në një nga regjistrat profesionale ose tregtarë. Në procedurat e prokurimit për shërbime, ku është e nevojshme që operatorët ekonomikë të kenë një autorizim të veçantë ose të jenë anëtarë të një organizate të veçantë për të kryer shërbimin në fjalë në shtetin e tyre të origjinës, autoriteti ose enti kontraktor mund t'u kërkojë atyre të vërtetojnë se e kanë këtë autorizim ose anëtarësim. 3. Në lidhje me situatën ekonomike dhe financiare, autoritetet ose entet kontraktore mund të vendosin kërkesa që garantojnë se operatorët ekonomikë kanë kapacitetin e nevojshëm ekonomik dhe financiar për të zbatuar kontratën. Për këtë qëllim autoritetet ose entet kontraktore mund të kërkojnë në veçanti që operatorët ekonomikë të kenë një xhiro vjetore minimale të caktuar. Gjithashtu, autoritetet ose entet kontraktore mund të kërkojnë që operatorët ekonomikë të japin informacione në bilancet e tyre vjetore që të tregojnë raportet ndërmjet aktivitetit dhe pasivitetit. Xhironja vjetore minimale që kërkohej nga operatorët ekonomikë nuk mund të tejkalojë dyfishin e vlerës së parashikuar të kontratës. Kur një kontratë ndahet në lote, ky nen zbatohet për çdo lot individual. Megjithatë, autoriteti ose enti kontraktor mund të përcaktojë xhiron*

vjetore minimale që u kërkohet operatorëve, duke iu referuar grupeve të loteve, në rast se ofertuesi i suksesshëm merr disa lote që duhet të zbatohen në të njëjtën kohë. Në rastin e kontratave që bazohen në një marrëveshje kuadër, kërkesa për xhiron minimale llogaritet mbi bazën e përmasave maksimale të kontratave specifike që do të zbatohen në të njëjtën kohë ose, kur përmasat nuk dihen, mbi bazën e vlerës së parashikuar të marrëveshjes kuadër.

4. Në lidhje me aftësitë teknike dhe profesionale, autoritetet ose entet kontraktore mund të vendosin kërkesa që garantojnë se operatorët ekonomikë zotërojnë burimet e nevojshme njerëzore e teknike, si dhe përvojën e nevojshme për të zbatuar kontratën sipas një standardi të përshtatshëm cilësie. Autoritetet ose entet kontraktore, në veçanti, mund të kërkojnë që operatorët ekonomikë të kenë një nivel të mjaftueshëm përvoja që vërtetohet nga referenca të përshtatshme nga kontratat e zbatuara në të shkuarën. Aftësia profesionale e operatorëve ekonomikë për të ofruar shërbimin, punën, mallin vlerësohet në lidhje me aftësitë organizative, reputacionin dhe besueshmërinë, përvojën e duhur, si dhe personelin e nevojshëm për të zbatuar kontratën, siç është përshkruar nga autoriteti ose enti kontraktor në njoftimin e objektit të kontratës.

5. Autoritetet ose entet kontraktore përcaktojnë në njoftimin e kontratës ose në ftesën për shprehje interesi kriteret e përzgjedhjes, si dhe dokumentet konkrete që duhet të paraqesin operatorët ekonomikë për përmbushjen e këtyre kriterëve.

III.1.6. Ndërsa në nenin 79, po këtu thuhet se: “1. Autoriteti ose enti kontraktor për të vërtetuar se punët, mallrat ose shërbimet, objekt prokurimi, i plotësojnë kërkesat e cilësisë, mund t’u kërkojë ofertuesve të paraqesin certifikata të lëshuara nga një organ i vlerësimit të konformitetit, i akredituar nga organizmi kombëtar i akreditimit ose organizma ndërkombëtarë akreditues, të njohur nga Republika e Shqipërisë. Kjo dispozitë zbatohet edhe kur kërkesat teknike u referohen kualifikimeve të kandidatit ose të ofertuesit. 2. Autoriteti ose enti kontraktor mund t’u kërkojë ofertuesve dorëzimin e certifikatave ose dokumenteve të ngjashme, të lëshuara nga organe të pavarura, që vërtetojnë pajtueshmërinë e tyre me standardet e kërkuara të cilësisë, veçanërisht sa i takon: a) garantimit të aksesit të personave me aftësi të kufizuara; b) efikasitetit të energjisë; c) sistemeve të menaxhimit mjedisor. 3. Në rastet kur operatori ekonomik provon se nuk mund të pajiset me një certifikatë të tillë brenda një kohe të arsyeshme për arsye që nuk varen prej tij, autoriteti ose enti kontraktor mund të pranojë dokumente të tjera, nëpërmjet të cilave mund të provohet garantimi i standardeve të kërkuara. 4. Në çdo rast, certifikatat e kërkuara duhet të kenë lidhje dhe të jenë proporcionale me objektin e kontratës, duke respektuar edhe parimin e mosdiskriminimit.

III.1.7. Në nenin 40, pika 6 të Vendimit të Këshillit të Ministrave nr. 285, datë 19.05.2021 “Për miratimin e rregullave të prokurimit publik”, i ndryshuar, parashikohet shprehimisht se: “6. Autoriteti/enti kontraktor mund t’u kërkojë operatorëve ekonomikë të dorëzojnë dëshmi, që tregojnë se ata i plotësojnë kërkesat minimale, të përcaktuara në dokumentet e tenderit, si: a) mostra të mallit, kur e gjykon se kjo ka rëndësi për vlerësimin e ofertës teknike. Në këtë rast, autoriteti/enti kontraktor duhet të argumentojë kërkesën për mostrat. Mostrat duhet të trajtohen si informacion konfidencial tregtar dhe duhet të jenë në kontroll të autoritetit/entit kontraktor. Në rastin e procedurave të zhvilluara me mjete elektronike, autoriteti ose enti kontraktor përcakton qartë procedurën për dorëzimin e mostrave, duke garantuar aksesin e çdo operatori të interesuar si dhe konfidencialitetin për pjesëmarrjen në proces. Mostrat i



*kthehen ofertuesit, me kërkesën e tij, brenda 30 (tridhjetë) ditëve pas nënshkrimit të kontratës, me kusht që kontrata në fjalë të mos jetë objekt i shqyrtimit administrativ apo gjyqësor. Në rastin kur procedura e prokurimit anulohet, mostrat i kthehen ofertuesit, me kërkesën e tij, brenda 30 (tridhjetë) ditëve nga data e marrjes së vendimit përfundimtar të anulimit; dhe/ose b) fotografitë apo katalogët teknikë; dhe/ose c) dëshmi për rezultatet e testimeve zyrtare, të lëshuara nga institucione të autorizuar, që vërtetojnë pajtueshmërinë e produkteve me specifikimet teknike.*

III.1.8. Në nenin 1 “Qëllimi” e ligjit Nr. 116 datë 11.09.2014 “Për Akreditimin e Organeve të Vlerësimit të Konformitetit në Republikën e Shqipërisë”, parashikohet: *Ky ligj përcakton rregulla për krijimin, organizimin dhe funksionimin e sistemit të akreditimit të organeve të vlerësimit të konformitetit që kryejnë aktivitete të vlerësimit të konformitetit.*

III.1.9. Në nenin 2 “Fusha e zbatimit” e ligjit Nr. 116 datë 11.09.2014 “Për Akreditimin e Organeve të Vlerësimit të Konformitetit në Republikën e Shqipërisë”, parashikohet: *Ky ligj zbatohet në çdo rast akreditimi, pavarësisht nëse organi i vlerësimit të konformitetit kryen aktivitet të vlerësimit të konformitetit në fushën vullnetare apo të detyrueshme dhe pavarësisht nëse vlerësimi është i detyrueshëm apo vullnetar.*

III.1.10. Në nenin 3 “Përkufizime” e ligjit Nr. 116 datë 11.09.2014 “Për Akreditimin e Organeve të Vlerësimit të Konformitetit në Republikën e Shqipërisë”, parashikohet: *“Akreditim” është dëshmia/certifikata e lëshuar nga organizmi kombëtar i akreditimit për organin e vlerësimit të konformitetit, që përmbush kërkesat e përcaktuara në standardet e harmonizuara dhe, sipas rastit, çdo kërkesë shtesë, përfshirë ato të vendosura në skemat përkatëse sektoriale, për kryerjen e një veprimtarie specifike të vlerësimit të konformitetit. “Organizëm kombëtar i akreditimit” është organizmi i vetëm që kryen akreditimin me autoritetin e dhënë nga ligji. 3. “Certifikatë akreditimi” është një dokument ose një tërësi dokumentesh zyrtare, që deklarojnë akreditimin për një fushë të përcaktuar. “Vlerësim konformiteti” është procesi që provon nëse janë përmbushur kërkesat e specifikuar për një produkt, proces, shërbim, sistem, person ose organ.*

*“Organ i vlerësimit të konformitetit” është çdo organ që kryen veprimtari të vlerësimit të konformitetit, përfshirë kalibrimin, testimin, certifikimin dhe inspektimin.*

III.1.11. Në nenin 5 “Procesi i Akreditimit” e ligjit Nr. 116 datë 11.09.2014 “Për Akreditimin e Organeve të Vlerësimit të Konformitetit në Republikën e Shqipërisë”, parashikohet: *1. Drejtoria e Përgjithshme e Akreditimit akrediton: a) laboratorë testues, mjekësorë dhe kalibruarë; b) organe certifikuese të sistemeve të me- naxhimit; c) organe certifikuese të personelit; ç) organe certifikuese të produkteve; d) organe inspektuese; dh) organe që realizojnë teste zotësie dhe krahasime ndërlaboratorike; e) organe që prodhojnë materiale referuese të certifikuar.*

III.1.12. Referuar frymës së legjislacionit për prokurimin publik, vendosja e kriterëve të veçanta për kualifikim ka si synim kryesor që t’i shërbejë autoritetit kontraktor për njohjen e gjendjes dhe kapaciteteve të operatorëve ekonomikë, të cilët, nëpërmjet dokumentacionit të

paraqitur duhet të vërtetojnë se zotërojnë kualifikimet e nevojshme teknike, profesionale, kapacitetet ekonomike, financiare dhe organizative, makineritë, pajisjet e asete të tjera fizike, reputacionin dhe besueshmërinë, përvojën e duhur, si dhe personelin e nevojshëm, gjithçka në funksion të realizimit me sukses të kontratës. Në varësi të kontratës dhe volumit të saj autoriteti kontraktor përcakton kërkesat e veçanta për kualifikim, të cilat janë të detyrueshme për t'u përmbushur nga operatorët ekonomikë pjesëmarrës në procedurat e prokurimit. Operatorët Ekonomikë janë të detyruar të përgatisin ofertat, në përputhje me kërkesat e përcaktuara në dokumentet e tenderit dhe ofertat që nuk përgatiten në përputhje me këto dokumente duhet të refuzohen si të papranueshme. Komisioni verifikon dhe vlerëson ofertat e dorëzuara, duke kualifikuar vetëm ato oferta, që përmbushin kriteret për kualifikim, të përcaktuara në dokumentet e tenderit. Kriteret kualifikuese të përcaktuara nga autoriteti kontraktor janë të detyrueshme për t'u përmbushur nga të gjithë ofertuesit ekonomikë pjesëmarrës në një procedurë prokurimi. Autoriteti kontraktor do të konsiderojë një ofertë të vlefshme, vetëm nëse ajo është në përputhje me të gjitha kërkesat dhe specifikimet e përcaktuara në njoftimin e kontratës dhe në dokumentet e tenderit. KPP sqaron, se në një procedurë prokurimi, subjekti i parë i interesuar është operatori ekonomik, i cili e përgatit ofertën e tij në përputhje me kuadrin ligjor në fuqi, dhe nga ana tjetër, është autoriteti kontraktor, i cili përzgjedh operatorin ekonomik që plotëson të gjitha kriteret e përcaktuara nga autoriteti kontraktor në dokumentet e tenderit, si dhe që ka përgatitur ofertën në përputhje me legjislacionin në fuqi. Gjithashtu, një ndër parimet kryesore të zhvillimit të procedurës së prokurimit është ai barazisë në trajtimin e kërkesave dhe të detyrimeve, që u ngarkohen ofertuesve ose kandidatëve, parashikuar nga neni 3 i ligjit nr. Nr. 162/2020 “Për prokurimin publik”, të ndryshuar. Zbatimi i parimit të transparencës, barazisë dhe mosdiskriminimit, janë garancitë kyçe ndaj ofertuesve që ofron kuadri ligjor në fuqi. Këto parime ndër të tjera nënkuptojnë se operatorët ekonomikë duhej të jenë në një pozicion barazie, si kur përgatisin ofertat e tyre, ashtu dhe kur të vlerësohen ato. KPP gjykon, se autoriteti kontraktor në përputhje me nenin 2 dhe 3 të ligjit 162/2021 “Për prokurimin publik” ka për detyrë d) të sigurojë një trajtim të barabartë dhe jodiskriminues për të gjithë operatorët ekonomikë pjesëmarrës në procedurat e prokurimit publik; dhe të garantojë trajtim të barabartë dhe jodiskriminues për operatorët ekonomikë, si dhe veprojë me transparencë e në mënyrë proporcionale.

III.1.13. Nga shqyrtimi i dokumenteve të tenderit të procedurës objekt-ankimi, autoriteti kontraktor ka kërkuar që **“Operatori ekonomik duhet të paraqesë certifikatat si më poshtë:** • *Certifikatën SSH/DIN/EN/UNI ISO 3834-2:2021, e përditësuar, e vlefshme/ ose ekuivalent (Sistemi i Menaxhimit të Cilesise ne Saldim e vlefshme ose ekuivalent). Certifikata te jetë lëshuar nga një organ i vlerësimit të konformitetit, i akredituar nga organizmi kombëtar i akreditimit ose organizma ndërkombëtarë akreditues, të njohur nga Republika e Shqipërisë.* Nga shqyrtimi i dokumentacionit të paraqitur nga operatori ekonomik “JUNIK” SHPK për përmbushjen e kriterit të mësipërm, Komisioni i Prokurimit Publik konstaton, se ky i fundit ka paraqitur dokumentacionin e përcaktuar në pikën III.1.2 të këtij vendimi. KPP sqaron se, EN ISO 15614-1:2017 është një standard teknik për kualifikimin e procedurave të saldimit (Welding Procedure Qualification). Përdoret për të testuar dhe verifikuar në mënyrë praktike nëse një procedurë specifike saldimi garanton cilësi dhe siguri. Përqendrohet në

procesin teknik të saldimit, përfshirë teste mekanike, vizuale, dhe të tjera për një metodë konkrete saldimi. Ndërsa ISO 3834-2:2021 është një standard për Sistemin e Menaxhimit të Cilësisë në Saldim. Përqendrohet në kërkesat menaxheriale dhe organizative që garantojnë cilësinë e përgjithshme të saldimit në një kompani (p.sh. kontrollet, përgjegjësitë, dokumentacioni, trajnimet, inspektimet, parandalimi i defekteve). Është një certifikim që vërteton se kompania ka një sistem të mirë menaxhimi cilësor për aktivitetet e saldimit.

Komisioni i Prokurimit Publik, sa më sipër analizuar, gjykon, se autoriteti kontraktues është organi përgjegjës për prokurimin e fondeve publike, në përputhje me dispozitat ligjore e nënligjore në fuqi. Në këtë kuadër, hartimi i dokumenteve të tenderit dhe zhvillimi i procedurës së prokurimit është lënë nën përgjegjësinë e autoritetit kontraktor, gjithnjë në përputhje e përpjesëtim me objektin e natyrën e kontratës objekt - prokurimi, si dhe aktet ligjore dhe nënligjore në fuqi që lidhen në mënyrë të drejtpërdrejtë me kriteret e vendosura në dokumentet e tenderit dhe hapat që duhet të ndiqen për përzgjedhjen e ofertës më të mirë, në kuptim të këtij ligji. Nisur nga pretendimet e operatorit ekonomik ankimues “JUNIK” SHPK, arsyeja e skaulifikimit të cilësuar nga autoriteti kontraktor se, çertifikatat ISO e dorëzuar nga ky ky ofertues është e lëshuar nga subjekt të paakredituar, si dhe nga shqyrtimi dhe verifikimi i dokumenteve të tenderit dhe dokumentacionit të dorëzuar nga operatori ekonomik ankimues, si dhe në kuadër të shqyrtimit administrativ të ankesës, në mënyrë sa më transparente dhe të drejtë, Komisioni i Prokurimit Publik konstaton, se për sqarimin e fakteve kërkohej verifikime të posaçme pranë organeve kompetente si Drejtoria e Përgjithshme e Akreditimit, si institucioni i vetëm publik, i cili në bazë të ligjit nr. 116 datë 11.09.2014 “Për Akreditimin e Organeve të Vlerësimit të Konformitetit në Republikën e Shqipërisë” në nenin 4 të tij thuhet se “Drejtoria e Përgjithshme e Akreditimit është i vetmi organizëm kombëtar që kryen akreditimin e organeve të vlerësimit të konformitetit”. Për këtë arsye, Komisioni i Prokurimit Publik iu drejtua me shkresën me nr. 2026/7 prot., datë 01.10.2025, Drejtorisë së Përgjithshme të Akreditimit, duke kërkuar informacion mbi subjektin *AQSCert SHPK me NIPT L31511026K nëse është i akredituar nga Drejtoria e Përgjithshme e Akreditimit (DPA), si organizëm që operon në fushën e Çertifikimit të Sistemeve të Menaxhimit të Cilësisë në Saldim EN ISO 3834-2:2021*. Me shkresën me nr. 432/1 prot., datë 02.10.2025, protokolluar me tonën me nr. 2026/9 prot., datë 03.10.2025, Drejtoria e Përgjithshme e Akreditimit, ka kthyer përgjigje duke sqaruar se: “Në përgjigje të shkresës tuaj me nr. 2026/7 prot., datë 01.10.2025, pasi u njohëm me problemin tuaj, ju bëjmë me dije se, subjekti AQSCert shpk me Nipt L31511026K, nuk është i akredituar nga Drejtoria e Përgjithshme e Akreditimit sipas standardit EN ISO 3834-2:2021. Për sa më sipër, Komisioni i Prokurimit Publik gjykon, se operatori ekonomik ankimues me dokumentacionin e paraqitur, nuk e përmbush kriterin e vendosur nga autoriteti kontraktor në shtojcën 7/2 të dokumenteve të tenderit të procedurës së prokurimit objekt-ankimi, “kriteret e veçanta të kualifikimit”, “kapaciteti teknik” pika 2.3.11, pasi certifikata EN ISO 3834-2:2021 e paraqitur nga operatori ekonomik ankimues “JUNIK” shpk, është lëshuar nga një trupë certifikuese e cila nuk është e akredituar për lëshimin e kësaj certifikate. Pra për faj të vetë operatorit ekonomik nuk është arritur të përmbushet kriteri i sipërcituar. Në përfundim të analizës së fakteve përkatëse, Komisioni arrin në konkluzionin, se për sa kohë ekzistojnë laboratore të akredituara kombëtar ose ndërkombëtar për fushën e akreditimit për certifikatën EN ISO 3834-2:2021, dokumentacioni i paraqitur nga operatori ekonomik ankimues “JUNIK” shpk, në procedurën e prokurimit objekt -

shqyrtimi, nuk plotëson kërkesat e autoritetit kontraktor dhe si i tillë nuk konsiderohet i vlefshëm, si dhe përbën kusht për skualifikimin e tij nga procedura e prokurimit. Në mënyrë eksplicite ligji për prokurimin publik parashikon, se vlerësimi i ofertave duhet bërë vetëm në përputhje me kriteret e kualifikimit të parashikuara në dokumentet e procedurës përkatëse. KPP thekson, se është detyrim ligjor i subjektit ofertues të provojë me dokumentacion të plotë dhe në përputhje me kërkesat e autoritetit kontraktor, plotësimin e kriterëve të kërkuara në dokumentet e tenderit, pasi ofertat që nuk përgatiten në përputhje me këto dokumente duhet të refuzohen si të papranueshme. Akoma më tej KPP sqaron, se në një procedurë prokurimi, subjekti i parë i interesuar është operatori ekonomik, i cili e përgatit ofertën e tij në përputhje me kuadrin ligjor në fuqi dhe nga ana tjetër, është autoriteti kontraktor, i cili përzgjedh operatorin ekonomik që plotëson të gjitha kriteret e përcaktuara nga autoriteti kontraktor në dokumentet e tenderit. Komisioni i Prokurimit Publik gjykon, se operatori ekonomik ankimues është në kushtet e mospërmbushjes së kriterëve të përcaktuara nga autoriteti kontraktor në dokumentet e tenderit objekt - ankimi.

Pretendimi i operatorit ekonomik ankimues “JUNIK” shpk nuk qëndron.

III.2. Lidhur me pretendimet e OE ankimues “JUNIK” shpk mbi skualifikimin e tij nga procedura e prokurimit me arsyen se: *“Operatori ekonomik nuk plotëson pikën 2.3.5 në të cilën është kërkuar: Operatorët ekonomik pjesëmarrës duhet të kenë të punësuar staf inxhinierik për kryerjen e të gjitha punimeve në objekt, të përfshirë në licensën e shoqërisë, të vërtetuar me kontratë pune të vlefshme, CV, diplomë përkatëse si dhe të figurojnë në listpagesat e shoqërisë për 3 muajt e fundit të deklaruar nga data e hapjes së ofertave, konkretisht:*

- 1 (një) Inxhinier Ndertimi
- 1 (një) Inxhinier Ndertimi profili Strukturist
- 1 (një) Inxhinier Elektrik
- 1 (një) Inxhinier Mjedisi
- 1 (një) Inxhinier Mekanik
- 1 (një) Inxhinier Hidroteknik
- 1 (një) Inxhinier Topograf/Gjeodet/Markshejder
- 1 (një) Inxhinier Elektronik/IT/Telekomunikacion
- 1 (një) Arkitekt

*Shënim: Kjo kërkesë përmbushet nëpërmjet plotësimit dhe paraqitjes nga operatorët ekonomikë të formularit përmbledhës të vetëdeklarimit, sipas shtojcës 8 të DST.*

*Dokumentacioni provues do të paraqitet nga ofertuesi i kualifikuar në vend të parë, pranë autoritetit kontraktor, përpara publikimit të njoftimit të fituesit dhe nisjes së afateve të ankimit, ose nëse do të jetë nevoja për tu kërkuar sqarime nga AK.*

*Nga verifikimi i Formularit Përmbledhës të Vetëdeklarimit të paraqitur ofertuesi Seksioni B: Deklaratë “Për disponimin e punonjësve të nevojshëm për realizimin e punimeve objekt kontrate” rezulton se ofertuesit nuk ka deklaruar se disponon: 1 (një) Inxhinier Ndertimi profili Strukturist.*

*Konkretisht, ofertuesi ka deklaruar se disponon punonjës: V. M & A. D & E. C me profesion inxhinier ndertimi por asnjëri nga punonjësit e deklaruar nuk është me profil Strukturist.*

*KVO gjykon, se është detyrim ligjor i subjektit ofertues të provojë me dokumentacion të plotë dhe në përputhje me kërkesat e autoritetit kontraktor, plotësimin e kritereve të kërkuara në dokumentet e tenderit, pasi ofertat që nuk përgatiten në përputhje me këto dokumente duhet të refuzohen si të papranueshme.*

*Sa më sipër dhe referuar volumeve të punimeve të ndërtimit, KVO gjykon se ofertuesi nuk disponon personelin e nevojshëm për realizimin me sukses të kontratës” KPP vëren se,*

III.2.1. Në shtojcën 7 të dokumenteve standarde të tenderit, “Kriteret e veçanta të kualifikimit”, pika 2.3 “Kapaciteti teknik”, pika 2.3.5. autoriteti kontraktor ka përcaktuar:

2.3.5. *Operatorët ekonomik pjesëmarrës duhet të kenë të punësuar **staf inxhinierik** për kryerjen e të gjitha punimeve në objekt, **te perfshire ne licensen e shoqerise**, të vërtetuar me kontratë pune të vlefshme, CV, diplomë përkatëse si dhe të figurojnë në listpagesat e shoqërisë për 3 muajt e fundit të deklaruar nga data e hapjes së ofertave, konkretisht:*

- *1 (një) Inxhinier Ndertimi*
- *1 (një) Inxhinier Ndertimi **profili Strukturist***
- *1 (një) Inxhinier Elektrik*
- *1 (një) Inxhinier Mjedisi*
- *1 (një) Inxhinier Mekanik*
- *1 (një) Inxhinier Hidroteknik*
- *1 (një) Inxhinier Topograf/Gjeodet/Markshejder*
- *1 (një) Inxhinier Elektronik/IT/Telekomunikacion*
- *1 (një) Arkitekt*

*Shënim: Kjo kërkesë përmbushet nëpërmjet plotësimit dhe paraqitjes nga operatorët ekonomikë të formularit përmbledhës të vetëdeklarimit, sipas shtojcës 8 të DST.*

*Dokumentacioni provues do të paraqitet nga ofertuesi i kualifikuar në vend të parë, pranë autoritetit kontraktor, përpara publikimit të njoftimit të fituesit dhe nisjes së afateve të ankimit, ose nëse do të jetë nevoja për tu kërkuar sqarime nga AK.*

III.2.2. Në formularin përmbledhës të vetëdeklarimit të paraqitur në SPE, në përpmbushje të pikës së sipërcituar në DT, operatori ekonomik “JUNIK” SHPK në pikën B “Deklaratë” në seksionin “Për disponimin e punonjësve të nevojshëm për realizimin e punimeve objekt kontrate” dhe në pikën D “Deklaratë mbi Mosangazhimin e Kapaciteteve Teknike në Kontrata Te Tjera”, ka bërë deklaram, konkretisht kjo pjesë është ngarkuar në sistem si më poshtë vijon:

-Formulari Përmbledhës i Vetëdeklarimit të OE “JUNIK” shpk;

-Licenca NZ.1814/21 e subjektit “JUNIK” Shpk;

-List të formimit akademik dhe eksperiencia e stafit drejtues të subjektit “JUNIK” shpk;

-Kontratë pune me nr. Rep.xxxx, nr. Kol. xxxx datë 03.09.2024 e lidhur midis Z. A.D ing ndërtimi, në rolin e drejtuesit teknik dhe subjektit JUNIK shpk, licencë në zbatim e Z. A. D si inxhinier ndërtimi profili i përgjithshëm, Diplomë Z. xxxx, për A. D, në profilin ndërtues i përgjithshëm, Cv, librez pune,



REPUBLIKA E SHQIPERISE  
Shoqeria "JUNIK" sh.p.k  
NIPT J68007522L

Adresa: Lagjia "SMT", pranë Drejtorisë së Shërbimit Pyjor, Lezhë", Cel. 0693956101  
[junikshpk@gmail.com](mailto:junikshpk@gmail.com)

Sqarime nëse vlerësohet e nevojshme \_\_\_\_\_

**Pjesa III: Kriteret e Përzgjedhjes/Kualifikimit**

**A: DEKLARATË**

**"Per permbushjen e specifikimeve teknike dhe grafikun e realizimit të objektit të kontratës"**

| Deklarata                                                                                                                                                                                                                                                                                                                                                                                                                                           | Përgjigje                                                          |
|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|--------------------------------------------------------------------|
| Në cilësinë e operatorit ekonomik, ne deklarojmë se plotësojmë të gjitha specifikimet teknike, siç udhëzohet në dokumentet e tenderit, dhe këtë e provojmë përmes certifikatave dhe dokumenteve të paraqitura me këtë deklaratë (nëse kërkohet nga Autoriteti/Enti Kontraktor), dhe marrim përsipër të realizojmë objektin në përputhje me preventivin e punimeve dhe grafikun e zbatimit të punimeve të përcaktuar nga Autoriteti/Enti kontraktor. | Po <input checked="" type="checkbox"/> Jo <input type="checkbox"/> |

**B: DEKLARATË "Për disponimin e punonjësve të nevojshëm për realizimin e punimeve objekt kontrate"**

| Deklarata                                                                                                                                                                                                                                                                                                                                      | Përgjigje                                                                                                                                                                                                                                                                                                                                                                                                                                                                                                                                                                                                                                                               |
|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| Në cilësinë e operatorit ekonomik, deklaroj nën përgjegjësinë time se:<br><br>Unë kam punonjësit e nevojshëm siç përcaktohet në dokumentet e tenderit, dhe e vërtetoj këtë me dokumentacionin përkatës, të cilin do ta paraqes në kopje origjinale ose të noterizuar, nëse fitoj, ose nëse më kërkohen sqarime nga autoriteti/enti kontraktor. | <b>Punonjës</b><br><br>Po <input checked="" type="checkbox"/> Jo <input type="checkbox"/><br><br>Nëse, po, numri i punonjësve<br><br><ol style="list-style-type: none"><li>1. punonjes në muajn Mars 2025</li><li>2. punonjes në muajn Prill 2025</li><li>3. punonjes në muajn Maj 2025</li></ol><br>Gjithashtu, disponoj personelin kryesor të poshtë shënuar, sipas profileve (profesioneve/kualifikimeve) përkatëse:<br><br><ol style="list-style-type: none"><li>1. Z. V. M. me profesion Inxhinier Ndertimi, i punësuar pranë shoqërisë sonë, në rolin e Inxhinierit të Ndertimit.</li><li>2. Z. A. D. me profesion Inxhinier Ndertimi, i punësuar pranë</li></ol> |





REPUBLIKA E SHQIPERISE  
Shoqeria "JUNIK" sh.p.k  
NIPT J68007522L

Adresa: Lagjia "SMT", pranë Drejtorisë së Shërbimit Pyjor, Lezhë", Cel. 0693956101

[junikshpk@gmail.com](mailto:junikshpk@gmail.com)

|  |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                              |
|--|--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
|  | <p>shoqërisë sonë, në rolin e Inxhinierit të Ndertimit.</p> <p>3. <b>Z. Z. J.</b> me profesion <b>Inxhinier Gjeolog</b> i punësuar pranë shoqërisë sonë, në rolin e Inxhinier Gjeolog.</p> <p>4. <b>Z. B.</b> me profesion <b>Inxhinier Elektrik</b>, i punësuar pranë shoqërisë sonë, në rolin e Inxhinierit Elektrik.</p> <p>5. <b>Z. K.</b> me profesion <b>Inxh. Elektrik</b> i punësuar pranë shoqërisë sonë në rolin e Inxhinierit Elektrik.</p> <p>6. <b>Z. Th.</b> me profesion <b>Inxhinier Mjedisi</b>, i punësuar pranë shoqërisë sonë, në rolin e Inxhinierit Mjedisit.</p> <p>7. <b>Z. F.</b> me profesion <b>Inxhinier Mjedisi</b>, i punësuar pranë shoqërisë sonë, në rolin e Inxhinierit Mjedisit.</p> <p>8. <b>Z. R.</b> me profesion <b>Inxh. Mekanik</b>, i punësuar pranë shoqërisë sonë në rolin e Inxhinierit Mekanik.</p> <p>9. <b>Z. S.</b> me profesion <b>Inxhinier Hidroteknik</b> i punësuar pranë shoqërisë sonë në rolin e Inxhinierit Hidroteknik.</p> <p>10. <b>Z. Gj.</b> me profesion <b>Inxhinier Gjeodet</b>, i punësuar pranë shoqërisë sonë, në rolin e Inxhinier Gjeodet.</p> <p>11. <b>Znj. O. Z.</b>, me profesion <b>Inxhinier Elektronike/ Teknologji Informacioni, Telekomunikacion</b> i punësuar pranë shoqërisë sonë në rolin e Inxhinier Elektronike.</p> <p>12. <b>Znj. E. Z.</b> me profesion <b>Arkitekthe</b>, i punësuar pranë shoqërisë sonë, në rolin e Arkitektes,</p> <p>13. <b>Znj. E. C.</b> me profesion <b>Inxhinier Ndertimi</b>, i punësuar pranë shoqërisë sonë, në rolin e Inxhinierit</p> |
|--|--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|







REPUBLIKA E SHQIPERISE  
Shoqeria "JUNIK" sh.p.k  
NIPT J68007522L

Adresa: Lagjia "SMT", pranë Drejtorisë së Shërbimit Pyjor, Lezhë", Cel. 0693956101

[junikshpk@gmail.com](mailto:junikshpk@gmail.com)

**D. Deklaratë mbi Mosangazhimin e Kapaciteteve Teknike në Kontrata Te Tjera**

**Deklarata**

Në cilësinë e operatorit ekonomik, deklaroj nën përgjegjësinë time se:

Mjetet/pajisjet/makinieritë e deklaruar në këtë procedurë prokurimi, pavarësisht formës së disponimit të tyre, do të jenen në dispozicion gjatë zbatimit të kontratës sipas grafikut të punimeve.

Nëse kërkohet, staf i teknik i poshtëshënuar:

1. **Z. VI M** me profesion Inxhinier Ndertimi, i punësuar pranë shoqërisë sonë, në rolin e Inxhinierit të Ndertimit.
2. **Z. A D** me profesion Inxhinier Ndertimi, i punësuar pranë shoqërisë sonë, në rolin e Inxhinierit të Ndertimit.
3. **Z. Za J** me profesion Inxhinier Gjeolog i punësuar pranë shoqërisë sonë, në rolin e Inxhinier Gjeolog.
4. **Z. B R** me profesion Inxhinier Elektrik, i punësuar pranë shoqërisë sonë, në rolin e Inxhinierit Elektrik.
5. **Z. R S** me profesion Inxh. Elektrik i punësuar pranë shoqërisë sonë në rolin e Inxhinierit Elektrik.
6. **Z. Th N** me profesion Inxhinier Mjedisit, i punësuar pranë shoqërisë sonë, në rolin e Inxhinierit Mjedisit.
7. **Z. F N** me profesion Inxhinier Mjedisit, i punësuar pranë shoqërisë sonë, në rolin e Inxhinierit Mjedisit.
8. **Z. R F** me profesion Inxh. Mekanik, i punësuar pranë shoqërisë sonë në rolin e Inxhinierit Mekanik.
9. **Z. S V** me profesion Inxhinier Hidroteknik i punësuar pranë shoqërisë sonë në rolin e Inxhinierit Hidroteknik.
10. **Z. Gj G** me profesion Inxhinier Gjeodet, i punësuar pranë shoqërisë sonë, në rolin e Inxhinier Gjeodet.
11. **Znj. O Z**, me profesion Inxhinier Elektronike/ Teknologji Informacioni, Telekomunikacion i punësuar pranë shoqërisë sonë në rolin e Inxhinier Elektronike.
12. **Znj. E Z** me profesion Arkitekthe, i punësuar pranë shoqërisë sonë, në rolin e Arkitektes.
13. **Znj. E C** me profesion Inxhinier Ndertimi, i punësuar pranë shoqërisë sonë, në rolin e Inxhinierit të Ndertimit.
14. **Z. S F** me profesion Inxhinier Mekanik, i punësuar pranë shoqërisë sonë, në rolin e Inxhinierit Mekanik.
15. **Z. A G** me profesion Inxhinier Elektrik, i punësuar pranë shoqërisë sonë, në rolin e Inxhinierit Elektrik.
16. **Z. V M** me profesion Jurist/Burime Njerezore i punësuar pranë shoqërisë sonë, në rolin e Juristit/Burime Njerezore.
17. **Znj. F L** me profesion Juriste/Burime Njerezore i punësuar pranë shoqërisë sonë, në rolin e Juristes/Burime Njerezore.
18. **Znj. K** Dedndreaj me profesion Financiere i punësuar pranë shoqërisë sonë në rolin e financieres.
19. **Znj. F M** me profesion Ekonomist i punësuar pranë shoqërisë sonë në rolin e Ekonomistes.
20. **Z. Be K** me profesion menaxher administrim biznesi i punësuar pranë shoqërisë sonë në rolin e Menaxher, Administrim Biznesi.
21. **Z. L V** me profesion Ekonomist i punësuar pranë shoqërisë sonë në rolin e Ekonomist.
22. **Z. R D** me profesion Inxhinier Ndertimi i punësuar pranë shoqërisë sonë në rolin

III.2.3. Në nenin 82, "Formulari përmbledhës i vetëdeklarimit" të ligjit nr. 162/2020 "Për Prokurimin Publik" i ndryshuar parashikohet;



1. Bashkë me dorëzimin e kërkesave për pjesëmarrje ose të ofertave, autoritetet ose entet kontraktore pranojnë si provë paraprake në vend të disa vërtetimeve të lëshuara nga autoritetet publike ose palë të treta, formularin përmbledhës të vetëdeklarimit, sipas parashikimeve të këtij ligji. Përmbajtja e këtij formulari përcaktohet në rregullat e prokurimit publik.

Kur autoriteti ose enti kontraktor mund t'i marrë dokumentet mbështetëse duke u futur direkt në një bazë të aksesueshme të dhënash shtetërore, në formularin përmbledhës të vetëdeklarimit përcaktohet edhe informacioni që kërkohet për këtë qëllim, siç është adresa në internet e bazës të të dhënave, çdo e dhënë identifikimi dhe, sipas rastit, në deklaratën e nevojshme për dhënien e pëlqimit.

Operatorët ekonomikë mund të përdorin një formular vetëdeklarimi që është përdorur gjatë një procedure prokurimi të mëparshme, nëse informacioni që ajo përmban vazhdon të jetë i saktë dhe i vlefshëm.

2. Në çdo kohë gjatë procedurës, autoriteti ose enti kontraktor mund t'u kërkojë ofertuesve dhe kandidatëve sqarime dhe dokumente mbështetëse për këto sqarime, kur kjo është e nevojshme për të garantuar zbatimin korrekt të procedurës.

3. Pavarësisht pikës 2 të këtij neni, operatorëve ekonomikë nuk u kërkohet të dorëzojnë dokumente mbështetëse kur autoriteti ose enti kontraktor që ka dhënë kontratën ose ka lidhur marrëveshjen kuadër i ka këto dokumente.

4. Në rastin e operatorëve ekonomikë të huaj, dokumentet duhet të paraqiten në formën e kërkuar nga legjislacioni në fuqi për njohjen e dokumentacionit. Në raste të dokumenteve që nuk lëshohen në vendin e origjinës, ky fakt duhet të provohet prej operatorëve ekonomikë.

5. Në procedurat e prokurimit me një fazë, përpara publikimit të njoftimit të fituesit dhe nisjes së afateve të ankimit, autoriteti ose enti kontraktor i kërkon ofertuesit të kualifikuar i pari që të dorëzojë:

a) dokumentet e paraqitura si pjesë e ofertës në rrugë elektronike, të cilat në kohën e dorëzimit pranë autoritetit ose entit kontraktor duhet të jenë origjinale ose kopje të noterizuara të tyre;

b) dokumentet mbështetëse në origjinal ose një kopje të noterizuar të tyre për vetëdeklarimet e dhëna.

Në procedurat e prokurimit me faza, dokumentacioni, sipas shkronjave “a” dhe “b” të kësaj pike, u kërkohet të gjithë kandidatëve të kualifikuar në fazën e parë, përpara nisjes së afateve të ankimit.”.

6. Për operatorët ekonomikë të regjistruar në regjistrat tregtarë shqiptarë, krijimi dhe plotësimi i formularit përmbledhës të vetëdeklarimit kryhet në Sistemin e Prokurimit Elektronik.

7. Pavarësisht parashikimeve të pikës 5 të këtij neni, operatorëve ekonomikë të regjistruar në regjistrat tregtarë shqiptarë nuk u kërkohet të paraqesin dokumente mbështetëse ose prova të tjera dokumentare për atë pjesë të informacionit të deklaruar dhe të gjeneruar automatikisht në Sistemin e Prokurimit Elektronik si pjesë e formularit përmbledhës të vetëdeklarimit nga ndërveprimi me sisteme të tjera elektronike.

8. Operatorët ekonomikë mund të përmbushin kriteret e përgjithshme dhe të veçanta të kualifikimit edhe nëpërmjet dosjes virtuale të operatorit, e krijuar në Sistemin e Prokurimit Elektronik përmes ndërveprimit me sisteme të tjera elektronike për ruajtjen e dokumenteve.

*Dokumentet e dorëzuara si pjesë e dosjes virtuale të operatorit duhet të jenë të gjeneruara nga sisteme të tjera elektronike ose të noterizuara përmes ndërveprimit me sistemin elektronik të Dhomës Kombëtare të Noterisë.*

*Operatorët ekonomikë janë përgjegjës për përditësimin e të dhënave në mënyrë automatike, për aq sa është e mundur, në dosjen virtuale të operatorit.*

*9. Për operatorët ekonomikë vendas, Sistemi i Prokurimit Elektronik verifikon automatikisht përmes ndërveprimit me sisteme të tjera përmbushjen e kushteve detyruese për skualifikim dhe kriterëve të veçanta të kualifikimit për aq sa është e zbatueshme.*

*10. Në procedurat e prokurimit me një fazë, përpara publikimit të njoftimit të fituesit dhe nisjes së afateve të ankimit, autoriteti ose enti kontraktor për operatorët ekonomikë të huaj i kërkon ofertuesit të kualifikuar i pari që të dorëzojë pranë autoritetit kontraktor në origjinal ose kopje të noterizuar dokumentet e paraqitura në rrugë elektronike, të cilat nuk mund të gjenerohen automatikisht nga sistemet e tjera me anë të ndërveprimit. Dokumentet e noterizuara para noterëve publikë të Republikës së Shqipërisë dorëzohen online në Sistemin e Prokurimit Elektronik përmes ndërveprimit me sistemin elektronik të Dhomës Kombëtare të Noterisë.*

*Në procedurat e prokurimit me faza, dokumentacioni sipas pikës 5 u kërkohet të gjithë kandidatëve të kualifikuar në fazën e parë, përpara nisjes së afateve të ankimit.*

*11. Autoriteti ose enti kontraktor do të përdorë sistemin e-Certis për të marrë informacion për llojet dhe format e provave të përmendura në këtë nen dhe për autoritetet kompetente, që i lëshojnë ato në shtetet anëtare të Bashkimit Europian.”*

III.2.4. Në nenin 26 “Formulari përmbledhës i vetëdeklarimit”, pikat 1, 2, 3, 6 të Vendimit të Këshillit të Ministrave nr. 285, datë 19.05.2021 “Për miratimin e rregullave të prokurimit publik” i ndryshuar, parashikohet shprehimisht se:

*“1. Bashkë me dorëzimin e kërkesave për pjesëmarrje ose të ofertave, autoriteti/enti kontraktor pranon si provë paraprake, në vend të disa vërtetimeve të lëshuara nga autoritetet publike ose palë të treta, formularin përmbledhës të vetëdeklarimit, sipas përcaktimit në nenin 82, të LPP-së, dhe në këto rregulla.*

*2. Formulari përmbledhës i vetëdeklarimit përmban informacion dhe deklarimin, si më poshtë vijon:*

*a) operatori ekonomik është i regjistruar në regjistrin tregtar sipas legjislacionit të vendit ku ushtron aktivitetin ose sipas legjislacionit të posaçëm, në rastin e një organizate jofitimprurëse, ka në fushën e veprimtarisë objektin e prokurimit, dhe ka statusin aktiv;*

*b) operatori ekonomik nuk është dënuar për asnjë nga veprat penale, të parashikuara në pikën 1, të nenit 76, të LPP-së;*

*c) personi/at në cilësinë e anëtarit të organit administrativ, drejtuesit ose mbikëqyrësit, aksionerit ose ortakut, ose që ka kompetenca përfaqësuese, vendimmarrjeje ose kontrolluese brenda operatorit ekonomik, nuk është ose ka qenë i dënuar me vendim gjyqësor të formës së prerë për asnjë nga veprat penale, të përcaktuara në pikën 1, të nenit 76, të LPP-së;*

*ç) operatori ekonomik nuk është dënuar me vendim të gjykatës së formës së prerë, për vepra që lidhen me veprimtarinë profesionale;*

- d) operatori ekonomik nuk është në proces falimentimi;
- dh) operatori ekonomik ka paguar të gjitha detyrimet për pagimin e taksave dhe tatimeve 1 të kontributeve të sigurimeve shoqërore, sipas parashikimeve të pikës 2, të nenit 76, të LPP-së;
- e) operatori ekonomik ka shlyer të gjitha detyrimet e maturuara të energjisë elektrike, dhe përmbush kërkesat që rrjedhin nga legjislacioni i fushës në fuqi. Ky informacion kërkohet për operatorët ekonomikë, të cilët ushtrojnë veprimtarinë në territorin e Republikës së Shqipërisë;
- ë) operatori ekonomik nuk ndodhet në kushtet e konfliktit të interesit, sipas legjislacionit në fuqi;
- f) operatori ekonomik ushtron aktivitetin në zbatim të kërkesave ligjore të legjislacionit mjedisor, social dhe të punës;
- g) operatori ekonomik ka paraqitur ofertë të pavarur, sipas kërkesave të legjislacionit në fuqi;
- gj) operatori ekonomik përmbush specifikimet teknike, sipas kërkesave të përcaktuara nga autoriteti/enti kontraktor;
- h) operatori ekonomik disponon fuqinë punëtore, të nevojshme për ekzekutimin e kontratës, sipas kërkesave të autoritetit/entit kontraktor (kur është rasti);
- i) operatori ekonomik disponon mjetet dhe makineritë e nevojshme për ekzekutimin e kontratës, sipas kërkesave të autoritetit/entit kontraktor, kur është rasti;
- j) informacion mbi subjektet, mbi kapacitetet e të cilave, operatori ekonomik do të mbështetet, nëse është rasti dhe nënkontraktorët e mundshëm, nëse është rasti;
- k) operatori ekonomik ushtron aktivitetin konform kërkesave të legjislacionit në fuqi.
3. Informacioni i pasqyruar në formularin e vetëdeklarimit, i cili gjendet në një bazë të dhënash, ku autoriteti/enti kontraktor mund të aksesojë direkt këtë informacion dhe /ose dokumentin, duhet të shoqërohet me adresën përkatëse për këtë bazë të dhënash.
4. Për përmbushjen e detyrimit sipas këtij neni, operatorët ekonomikë mund të përdorin një formular vetëdeklarimi që është përdorur gjatë një procedure prokurimi të mëparshme, nëse informacioni që ajo përmban vazhdon të jetë i saktë dhe i vlefshëm.
5. Operatorëve ekonomikë nuk u kërkohet të dorëzojnë dokumente mbështetëse, kur autoriteti ose enti kontraktor që ka dhënë kontratën ose ka lidhur marrëveshjen kuadër, i ka këto dokumente.
6. Përpara publikimit të njoftimit të fituesit dhe nisjes së afateve të ankimit, autoriteti/enti kontraktor i kërkon ofertuesit të kualifikuar, i pari dorëzimin e dokumenteve provuese të parashikuara në shkronjat “a”, “b”, “d”, “dh”, “e”, “h”, “i”, “j” të pikës 2 të këtij neni, si dhe dokumentet e tjera shoqëruese të ofertës, të dorëzuara në rrugë elektronike. Këto dokumente duhet të paraqiten në origjinal ose në kopje të njësuara me origjinalin.

III.2.5. Referuar frymës së legjislacionit për prokurimin publik, vendosja e kriterëve të veçanta për kualifikim ka si synim kryesor që t'i shërbejë autoritetit kontraktor për njohjen e gjendjes dhe kapaciteteve të operatorëve ekonomikë, të cilët, nëpërmjet dokumentacionit të paraqitur duhet të vërtetojnë se zotërojnë kualifikimet e nevojshme teknike, profesionale, kapacitetet ekonomike, financiare dhe organizative, makineritë, pajisjet e asete të tjera fizike, reputacionin dhe besueshmërinë, përvojën e duhur, si dhe personelin e nevojshëm, gjithçka në funksion të realizimit me sukses të kontratës. Në varësi të kontratës dhe volumit të saj

autoriteti kontraktor përcakton kërkesat e veçanta për kualifikim, të cilat janë të detyrueshme për t'u përmbushur nga operatorët ekonomikë pjesëmarrës në procedurat e prokurimit. Operatorët Ekonomikë janë të detyruar të përgatisin ofertat, në përputhje me kërkesat e përcaktuara në dokumentet e tenderit dhe ofertat që nuk përgatiten në përputhje me këto dokumente duhet të refuzohen si të papranueshme. Kriteret kualifikuese të përcaktuara nga autoriteti kontraktor, janë të detyrueshme për t'u përmbushur nga të gjithë ofertuesit ekonomikë pjesëmarrës në një procedurë prokurimi. Operatorët ekonomikë pjesëmarrës duhet të vërtetojnë se zotërojnë reputacionin, besueshmërinë, kapacitetet e konsideruara të nevojshme nga autoriteti kontraktor, për të zbatuar kontratën objekt-prokurimi. KPP sqaron, se në një procedurë prokurimi, subjekti i parë i interesuar është operatori ekonomik, i cili e përgatit ofertën e tij në përputhje me kuadrin ligjor në fuqi, dhe nga ana tjetër, është autoriteti kontraktor, i cili për zgjedh operatorin ekonomik që plotëson të gjitha kriteret e përcaktuara nga autoriteti kontraktor në dokumentet e tenderit, si dhe që ka përgatitur ofertën në përputhje me legjislacionin në fuqi. KPP-ja gjykon, se vetë ligjvënësi ka parashikuar në nenin 2 gërma "dh", se qëllimi i ligjit të prokurimit publik nr. 162/2020 "*Për prokurimin publik*" i ndryshuar si ligj material i zbatueshëm për shqyrtimin administrativ të ankesave të operatorëve ekonomikë, është ndër të tjera të sigurojë integritet, besim publik dhe transparencë në procedurat e prokurimit publik. Ashtu si edhe GJED ka nënvizuar ndër vite, parimi i transparencës dhe barazisë janë të lidhura ngushtë me njëra-tjetrën, por detyra thelbësore e transparencës në një procedurë prokurimi është që të krijohen kushte dhe rregulla të hollësishme për të gjithë palët në proces.

III.2.6. Refruar arsyes së skualifikimit të OE ankimues, pretendimeve të tij dhe materialeve të fashikullit të shqyrtimit administrativ KPP konstaton se ky i fundit ka paraqitur në sistem Formularin Përmbledhës të Vetëdeklarimit, të cilin në zbatim të parashikimeve ligjore në fuqi, autoriteti/enti kontraktor e pranon si provë paraprake, në vend të disa vërtetimeve të lëshuara nga autoritetet publike ose palë të treta, dhe vetëm përpara publikimit të njoftimit të fituesit dhe nisjes së afateve të ankimit, autoriteti/enti kontraktor i kërkon ofertuesit të kualifikuar, i pari dorëzimin e dokumenteve provuese të parashikuara në shkronjat "a", "b", "d", "dh", "e", "h", "i", "j" të pikës 2 të nenit 26 të Vendimit Nr. 285 datë 19.05.2021 të Këshillit të Ministrave "*Për miratimin e rregullave të prokurimit publik*" i ndryshuar, si dhe dokumentet e tjera shoqëruese të ofertës, të dorëzuara në rrugë elektronike, duke i rezervuar në këtë mënyrë të drejtën autoritetit kontraktor të kryejë verifikime në rast nevojë apo të dërgojë kërkesa për sqarim mbi dokumentacionin e paraqitur nga operatorët ekonomikë. Pra, në formularin përmbledhës të vetëdeklarimit, operatori ekonomik duhet të deklarojë për punonjësit e mesiperm, referuar profilin të punës dhe numrit. Nga verifikimi i dokumentacionit të dorëzuar nga operatori ekonomik ankimues "JUNIK" SHPK, konkretisht Formularët Përmbledhës të Vetëdeklarimit të tij, konstatohet, se në lidhje me kërkesën punonjësit sipas profileve të kërkuara në pikën 2.3.5 të kriteve të veçanta të kualifikimit, operatori ekonomik "JUNIK" SHPK ka deklaruar në *pjesën III: "Kriteret e Përzgjedhjes/Kualifikimit, pika B Deklaratë "Për disponimin e punonjësve të nevojshëm për realizimin e punimeve objekt - kontrate"*, se disponon këto punonjës specialistë sipas profile respektive, konkretisht punonjësit: -Z.V.M., me profesion inxhinier ndërtimi, Z. A.D me

profesion inxhinier ndërtimi, dhe Znj. E. C, me profesion inxhinier ndërtimi si dhe në seksionin D “Deklaratë mbi Mosangazhimin e Kapaciteteve Teknike në Kontrata Te Tjera”, ka deklaruar stafin teknik sipas profesioneve, ku për secilin prej tyre ka deklaruar emrin dhe profilin e punës. Gjithashtu, nga verifikimi i SPE rezulton se, operatorit ekonomik ankimes ka dorëzuar dokumnetacionin e cituar në pikën III.2.2. ku është dokumenti me emërtimin “Formimi akademik dhe ekspereinca në punë e stafit drejtues të projektit “Rikonstruksion i Godinës Qëndrore të Spitalit Pogradec”, ku janë paraqitur lista emërore e stafit drejtues të subjektit, profesioni, niveli i arsimit, kualifikimt akademike dhe ekspereinca e punës në vite. Nga shqyrtimi i dokuemntacionit të dorëzuar nga operatorit ekonomik ankimes “JUNIK” shpk nuk evidentohet të jëtë përcaktuara ose cilësuar nga ky i fundit, përbërja në stafin teknik drejtues të shoqërisë apo edhe në licencën e shoqërisë, të një inxhinieri ndërtimi profili strukturist, ashtu sic është kërkuara edhe në pikën 2.3.5 të DT. Në lidhje me pretendimin e operatorit ekonomik ankimes, që ka paraqitur dokumentacion të Z. A.D në përmbushje të kriteri, KPP konstaton se, nga ky dokumentacion rezulton se, nga titulli i diplomës së Z.A. D ka marrë titullin inxhinier ndërtimi i përgjithshëm, profili i përgjithshëm., duke mos përmbushur kriterin e pikës 2.3.5 të DT sipas së cilit kërkohet inxhinier ndërtimi i profilit strukturist. Ndërsa, në lidhje me pretendimin se ka në dispozicion edhe një inxhinier ndërtimi tjetër në profilin strukturist, konkretisht Zn. E.C, sipas Formularit Përmbledhës së Vetdeklarimit, e cila është deklaruar pjesë e stafit teknik të subjektit “JUNIK” shpk, nuk është dhënë asnjë informacion nëse kjo inxhinier ndërtimi është me profilin strukturist apo jo, por është deklaruar thjesht inxhinier ndërtimi. Për më tepër, kjo inxhinier nuk figuron as në stafin drejtues teknik të licencës së shoqërisë “JUNIK” shpk, por figuron vetëm inxhinieri i ndërtimit i përgjithshëm Z. A. D. Në këtë kuadër, Komisioni gjykon, se, mosdeklarimi i punonjësve të profilit sipas kërkesave të pikës 2.3.5 të DT në rubrikat përkatës të të njëjtit formularit përmbledhës të vetdeklarimit, , sjell mospërmbushjen e kriterëve të kualifikimit të përcaktuar nga autoriteti kontraktor në dokumentet e tenderit në pikën 2.3.5 të kapacitetit teknik. Në përfundim të argumentimit të mësipërm, Komisioni arrin në konkluzionin, se dokumentacioni i paraqitur nga OE ankimes në procedurën e prokurimit, nuk e plotëson kërkesën e autoritetit kontraktor dhe si i tillë nuk konsiderohet i vlefshëm.

Pretendimi i operatorit ekonomik ankimes “JUNIK” shpk nuk qëndron.

Për sa më sipër, në mbështetje të neneve 30, dhe 118 të ligjit nr. 162/2020 “Për Prokurimin Publik” i ndryshuar, Vendimit të Këshillit të Ministrave nr. 285, datë 19.05.2021 “Për miratimin e rregullave të prokurimit publik” i ndryshuar, Vendimit të Këshillit të Ministrave nr. 236, datë 20.04.2023, “Për përcaktimin e rregullave dhe tarifës së pagesës për ankimin në një procedurë prokurimi pranë Komisionit të Prokurimit Publik”, Vendimit të Komisionit të Prokurimit Publik Nr. 766, datë 13.10.2021 “Për miratimin e rregullave “Për Organizimin dhe Funkcionimin e Komisionit të Prokurimit Publik”, nenit 4, të Vendimit të Komisionit të Prokurimit Publik nr. 500/2020 datë 5.11.2020 “Rregullore për Marrjen e Masave Organizative për Ushtrimin e Veprimtarisë së Institucionit të Komisionit të Prokurimit Publik gjatë gjendjes së pandemisë së shkaktuar nga COVID -19”, Komisioni i Prokurimit Publik, njëzëri,

### **Vendos:**

1. Të mos pranojë ankesën e OE ankimues “JUNIK” SHPK për procedurën e prokurimit “E hapur” me nr. REF-51594-06-18-2025, me objekt: “*Rikonstruktion i godinës Qëndrore Spitali Pogradec*”, me fond limit 292,017,842.53 (*dyqind e nëntëdhjetë e dy milion e shtatëmbëdhjetë mijë e tetëqind e dyzet e dy pikë pesëdhjetë e tre*) lekë (pa tvsh), zhvilluar me datë 04.07.2025 nga autoriteti kontraktor, Operatori i Blerjeve të Përqëndruara.
2. Autoriteti kontraktor lejohet të vijojë me hapat procedural të parashikuar nga Ligji nr. 162/2020 “Për Prokurimin Publik”, i ndryshuar.
3. Ngarkohet zyra e financës të kryejë veprimet përkatëse për derdhjen në Buxhetin e Shtetit të tarifës financiare të paguar nga OE “JUNIK” SHPK.
4. Kundër këtij vendimi mund të bëhet ankim në Gjykatën Administrative të Apelit.
5. Kopje e këtij vendimi i dërgohet për njoftim Agjencisë së Prokurimit Publik.  
Ky vendim hyn në fuqi menjëherë.

### **KOMISIONI I PROKURIMIT PUBLIK**

**Anëtar**  
**Kreshnik Ternova**

**Anëtar**  
**Anila Malaj**

**Nënkryetar**  
**Fiorent Zguro**

